

الشيخناك

س ١٠٠٠ ١٣٣٠

والله يهدي من يشاء الى صراط مستقيم د. ع. ادي، سياسي هفتلق بمجموعة اسلاميه در اتبعون اهدكم سبيل الرشاد

صاحب رمبرسئول : ع . اشرف اريب

عدد ٢٦ - ٢٠٨ ١٦ رمضان ١٣٣٠ نجشبه ١٦ اغستوس ١٣٢٨ جلد ١ - ٨

نفسية شريف

بِسْمِ اللَّهِ الرَّحْمَنِ الرَّحِيمِ

أولم يسيروا في الأرض فينظروا كيف كان عاقبة الذين من قبلهم كانوا هم اشد منهم قوة وآثارا في الأرض فأخذهم الله بذنوبهم وما كان لهم من الله من واق .

ترجمه

• يوقسه ، يريوزنده ده دولا شهاديلى كه كنديلرندن اول كلنلرك عاقبتلى نصل اولديغنى كوردهلر؟ ايسته ، يريوزنده قوتجه ، آثار مدنيتجه كنديلرينه فائق ايكن كنهاهلى يوزندن الله اوتة كيلرى هلاك ايتدى ؛ هم اونلرى اللهك عذابندن بر قورتاران ده اولمادى .

آيت جليله « حم تنزيل الكتاب من الله العزيز العليم . خافر الذنب وقابل التوب شديد العقاب ذي الطول لا اله الا هو اليه المصير . » آيتلرله باشلايان سورة المؤمنه منسوب اولمقله برابر « دنيايى دولاشيكنز ؛ اولجه كلوب كيدن ملتلك ايزلرني آراشديريكنز ؛ اونلرك اولاقبال ، صوكره اضمحلاللرى اسبانى تدقيق ايديكز ... » مائى ناطق آيات كريمه به كتاب اللهك بويله برچوق يرنده تصادف اولئور .

حقيقت ، انسان قفا كزديرمه مك شرطيله كزر ؛ اوغرادينى يرلرده ، آغزنى دكل ، كوزنى آجارسه بك بويوك عبرتلكر كورور . هله بزشرقليلرايچون دور عالم سياحته بك اوقدر حاجت يوق ؛ زيرا ملكتمزك هر كوشه سنده بويوك بويوك نسلطتلكر ، قوجه قوجه ملتلكر قاينامش ، حالا كيدييور ؛ طوبراغمزك نره سنى اشسهك ، باقيورزكه ؛ اوراده باشلى باشنه برجهان عمران كومولش ، ياتيور !

وقيله يرك يوزنى بزذن چوق ، هم قياس قبول ايتيه جك قدر چوق اعمار ايدن ؛ قوتلرينه ، سطوتلرينه ، مدنيتلرينه ، سامانلرينه ، نوتلرينه قيامته قدر شهادت ايدمبيله جك اثرلر براقان بو املتلكر عجباً هانكى زلزله نك ، هانكى طوفانك ، هانكى قيامتك تاثيريله يرك دينه كچمشلر ؟ هانكى انقلاب اليمك قربان بي كنهاي اوله رق بو عالمندن كيتمشلر ؟

حاليه وارد اوله جق بوسؤالى حل ايتك ايجون تاريخى قاريشديرر . سهق اكلايورزكه : بوتون او فلاكتلر ، او انقراضلر ، او هلاكلر انبيانك كوسترديكى يوله كيتمه مكدن ايلرى كلش .

يغمبرلر الله ذوالجلال طرفدن انسانلره هم دنيايه ، هم عقبايه مسعوديتلرينى كافل اوله جق برر شريعت تبليغ ايدديورلر . بو عالم خلقتده جارى اولان قوانين الهيه يي كنديلرينه بيلديرييورلر . « ايسته بو قانونلرك مقتضاسنه توفيق حركت ايدرسه كز دنيايه برحيات طيبه ايله ياشار ؛ عقبايه ايسه نعيم ابدى به مظهر اولورسكز . يوق ، اللهك اوامرينى ديكله مزسه كز ، هر ايكي دنيايه بلا كزى بولورسكز . » دييورلر .

ملتلكر بوالهئى تبليغاتى ديكله دجكه ؛ فطرتك ازلى ، ابدى قانونلرينه اطاعتدن آيرلما دجقه ؛ مادى ، معنوى هر درلوفيسى ، هر درلو ترقى يي الله ايدديورلر . بالعكس ، او تبليغاتك صدقه ، ساويته اينانمايه جق ؛

صوکراده حضرت حمزه و حضرت عمر سعادت از لیه لرینی اظهار
ایتمشدر. [رضوان الله علیهم اجمعین]

برده ایمان ایدنلرده ذاتاً توحید و مجازات اعتقادی بولمسنه بناء
رهبر احتیاجی اویانمشیدی دییور. بوده طوغری دکدر. او ائنده
برقاج بویوک ذاتدن ماعدا قبول اسلامیت ایدنلرک کافه سی بتپرست
اولدقلری جهتله کندیلرنده اعتقاد وحدانیت اثری بولمادیفی کی
مسئولیت اعمال دیدیکی جزای اخروی فکری ده یوق ایدی. عرب
مشرکرینک قبول اسلامیه قابلیتلی پک آز و اهتدالی غایت متعسر
اولدیفنی (دوزی) ماسبقده ایضاح و اعتراف [۱] ایدیکی کی رسول
اکرم افندیمره معارض بولنان صنادیک نه درجه مترد و امور آخرتله
مستیزی اولدقلرینی ده ایلروده صرمه سی کلنجه تصویر ایدیه جکدر [۲]. مع
هذا رهبر طابنده بولن اشخاصی ارشاد ایتکده قولای برشی
اولمادیفی مقدمه کتابده بز ایضاح ایتمشیدک. یکیدن بر دین تأسیس
ایدوب خلائی مألوفلری بولنان عادات و اعتقاداتن چویرمک تأییدات
سبحانییه مظهر اولمغه متوقفدر.

دوزینک کلامی تناقضدن ده سالم دکدر. بر طرفدن ذات رسالتنهای
حقنده معجزه لرله خلقک رهبره دأثر حس ایتکده اولدقلری احتیاجی
تسکین ایتدی، مأموریت قدسیه سنک اثباتی کوردیلر دییور، دیگر
طرفدن ده ساحه نبوتک مبرا بولندیفی رنوع خسته لقندن بحث ایله
خلط کلام ایدیور! بو خسته لق (شبه نکر) نام دقتورک اسناد
ایله دیکی «هیسته ریای عضلی، دنیلن سکیر علتندن، برنوع مصرو-
عیتدن عبارتدرکه بوزمره غرضکاران انهای وحیده انیاده مشاهده
ایدیلن حالت مقدسه انسلاخیه یی بوکا حمله یلته نیورلر. جلد اولده
بز یافتای تلخیصکارانه یی رد و ابطال ایله اولنلرک اوتانمق بیلمه یی چهره لرینه
چاربدق، هنسکام وحیده انیای عظام حضراتنده کورونن بو تغییرات
ظاهریه نک وقوعی امر ضروری اولدیفنی دفعتله آکلاتدق. بناء علیه
آرتق بوراده اطناب مقاله لزوم کورمه یورز.

(دوزی) بونی متعاقب کلامی حضرت عمر الفاروق (رض) ک
اسلامیتنه نقل ایله اولامشار الیهک شجاعت واستقامت کی بعض
اوصاف و مزایا سنندن بحث ایتمش [۳] بعده کیفیت اهتدالینه دأثر
- قصص انیاده مذکور - قصه معلومه یی نقل ایله بونی ده غننه تاریخیه
داخلنده کأثر اختراعات جهل سندن عد ایشدر.

بو قصه نک محضامشار الیهک دین حق قبول ایتسی - حائز بولندیفی
اهمیته بناء - بر کرامته، بر خارقیه عطف ایدلک، بو وسیله ایله

[۱] جلد اولک ۱۲۲ نجی صفحه سندن اعتباراً مطالعه سیله معلوم اولور.

[۲] دوزی تاریخنک (۶۱) نجی صفحه سینه مراجعت.

[۳] شایان حیرتدرکه عدو مرقوم، جدیت و صمیمیتی بونون جهان
مرورلرنجه مسلم بولنان حضرت مشار الیه حقنده بیله «هر نه قدر آهنگ
سلاستی آئنده قورنازاق اخلا ایدیور دییورده بونکله برابر خود پرستلکدن
عاری ایدی» دییه غرضکارانق ردائت جلییه سنی برافماش، تناقض صریح
ارتکابندن نباعده ایدیه مشدر.
اخزاه اه وانصاره.

او قانونلرک قطعیتندن، استثنای قبول ایلمیه جکندن ذهول ایدیهک بر
حاله کلنجه اسفل السافلین خسرا نه طوغرو اینوب کیدیورلر.
هم او اوامرک یالکز الیه اولدیغنه ایمان ایتک بر جماعتی قور-
تارمیور؛ اولنره حقیله صاریللق، اولنلرک کوستردیکی یولدن صایمامق
ایجاب ایدیور. عصیانلر، طغیانلر، فتنه لر، تفرقه لر، سفاهتلر،
عطالتلر، نفاقلر، شقاقلر، جهالتلر مسلط اولدقلری ملتلی اضمحلال
اوچورو منه مطلقاً سورو کلیور. آرتیق بوبالار ایستر ایمانسلرل
یوزندن نشأت ایتسین، ایستر سه اساسه اینایلدیفنی حالده اعماله
قارشی مبالانسلرلقدن ایلری کاسین، عینی عاقبت الیه یی حاضر لاقه ن
قابل دکل، کری قالمیور.

اوله ایسه بزده، باری بوندن صوکره اولسون، کوزیمزی
آچه لم. تاریخی اوله ماضال دیکلرکی دیکله میه لم. هر وقعه دن کندیمز
ایچون عبرتلر، حصه لر آلمایه چالیشه لم. کزدیکمز، اوغرا دیغمز
مملکتلرک یالکز هوا سیله، صونی حقنده معلومات ایدیمیه قصر همت
ایتمیه لم! کچمشدن عبرت آلاماقده دوام ایدرسهک، العیاذ بالله، کله جکدر
ایچون پک آجیقلی بر عبرت اوله جفز. الیه خلصنا عن الاشتغال بالمالاهی
وارنا حقائق الاشیاء کاهی.

محمد عاکف

مدافعات دینیہ

حق و حقیقت

در قنور دوزینک اسلامیت علی بن مره کی اسنادانه ربه

۱۴

دوزی تاریخندن: «دیگر مهتدیلمک کافه سی اجنبی، کوله وقادین
ایدی. بر الله واحده اعتقاد و عمللریدن مسئولیتلی فکری اکثریسنده بر
کشف و رهبر احتیاجی اویاندرمشیدی. محمد معجزه لرله بو احتیاجی تسکین
ایتدی و کندیسنک بالذات کوردیکی کی خسته لغنک حمله لرنده، مأموریت
مخصوصه قدسیه سنک اثباتی کوردیلر.»

ذکر اولنان ذوات کرامی تعقیب ایدن مهتدیلمک هیچ بری رجال
احرار دن دکلش، بوده خلاف حقیقت اوله رق سوبله نمش و غرض
ازدرای متضمن بولنش اولمغه شایان تکذیبدر. دفع اشتباه ایچون
اوصرمده نائل هدایت اولان ذواتک اک مشهور لرینی تعداد ایدم:
زید بن عمرو بن نفیلک فرزند پاکی جناب سعید زوجیه سی فاطمه بنت
الخطاب - که عمر الفاروقک همشیره سیدر - ایله برابر دائرة منجیه
اسلامیه داخل اولمشیدی. کذلک امین الامه ابو عبیده بن الجراح،
عبیده بن الحارث بن عبدالمطلب، ابوسلمه الخزومی، قدامه بن مظعون،
عبدالله بن مظعون، ابو حذیفه بن عتبیه بن ربیع - که زادکان قریشدندر -
ابوذر غفاری، خالد بن سعید بن العاص، عمرو بن سعید، یاسر و اوغلی
جناب عمار، حصین و اوغلی عمران بوزمره ده داخلدر. بولنلر دن بر آز